

QVÆSTIO MEDICA

MATVTINIS EXAGITANDA DISPVATIONIBVS IN SCHOLIS MEDICORVM
die Iouis 21. Nouembris, Spectatissimo viro D. Petro Ponfon Doctore Medico, moderatore prudentissimo.

Est ne proprij cordis in fœtu actio vt hepatis & cerebri?

245

VLTIMI alimenti residuum, ex toto corpore restum vi congenita attractum, illorūque substantia elaboratum, spirituum denique concursu faciendum, semē nuncupatur: quod ab utroque parente actū iam animatum, in vteri fundum nec non ceruicem, in gravidis præsertim, emissum, eiusque sinu unico non multiplici conceptum, proximum ortus nostri principium instituit natura, ex quo & materno sanguine, altero generationis nostre non solum materiali, sed etiam efficiente principio, fœtus partes omnes simul constituerentur: tribus imprimis conformatis vitæ principijs, hepate, corde, cerebro, horumque præcipuis iisque similibus instrumentis, vena, arteria, nervo quorum opera, hæc tria facultatum (quibus vita definitur) velut promptuaria, triplicem spiritum vnā cum facultate, corporis singulis partibus subministrarent, insitque vitali & naturali facultatibus, suppetias ferrent, humidi primigenij exhaustu perpetuo dissolutis.

CONFORMATAS fœtus partes, cum nutriti esset necesse, maternus sanguis ex coctione secunda superfluous, nullo qualitatis vitio, per venam umbilicalem effusus, hepar sanguinis fontem, venarum nutritionisque principium adit, eiusque parenchyma effingit: In cuius deinceps officina, maternus idem sanguis semel atque iterum confectus, fœtus naturam disciscens, secretis reliquis inutilibus, bile, sero, pituita, & melancholico humore purior, partibusque alendis iam idoneus, per venas exiles tenui sero dilutus naturali spiritu velut manu deduceretur in vniuersam corporis molem, vbi partis cuiusque innato calore denuo elaboratus defæcatusque, per cutis poroseducta feri portione, tandem faceretur in fœtus substantiā, cuius perennis effluxus alimento simili resarci debuerit.

RORAGATA venarum sobole, & iccoris parenchymate compacto, cum perfectiorem ex corde viuendi rationem appeteret fœtus, duæ arteriæ umbilicales ad securitatem in iliacas insita procreantur: è quibus producta aorta sanguinem vitalem è matris arterijs ad cordis fabricam hauriret, Valvulis nondum illi oppositis, quæ intus aperta, foris clausæ, corde iam absoluto nihil quicquam admittunt, ita vt ne spiritum quidem & sanguinem vitalem maternum affluētem ad vitam munus necessarium, lacuum cordis sinum subire sinant, quem idcirco in summo aorte orificio diutius morantem non sine summo vitæ periculo putrere necesse foret, ni natura solers anastomosin arteriæ magnæ cum vena arteriosa pulmōni nutriendo destinata, vitalem istum sanguinem in venam arteriosam deriuari curasset, pulmōni alendo accommodatum, qui licet immotus (quippe cum ore non respiret fœtus in vtero) ex tenui tamen pura puti sanguinis portione conflatus, purum tenuēque sanguinem in alimentum desiderabat.

MATERIÆ defectu cum embrii cor sciret immotum, illiusque otiosa quiesceret vitalis facultas, natura rationis & consilij plena, alteram anastomosin venæ cana cum arteria venosa parauit: cuius beneficio sanguis longo via tractu preparatus, è vena cana, recta ferretur in arteriam venosam, mox sinistram cordis ventriculum ingressurus, cuius perenni systole & diastole ab arteriarum pulsu omnino diuersa, rursus excoctus, spiritus naturam sortitus, corpori vniuerso per arterias distribueretur, vimque propriam proprij cordis impertiret, quod principale corporis regimen partibus omnibus vitam generat.

CEREBRI postrema fuit ex semine formatio, animali facultate non ita necessaria, cuius etiam sunt obscuræ vires in fœtu tenello, qui naturali imprimis & vitali facultate vigente partium nutritioni & accretioni duntaxat studet totisque incumbit, licet temporis progressu, quæ immodico cerebri humore obruta veluti sopita animalis facultas videbatur, discesso torpore, tandem exurgat ad opus, seseque manifestet motu, tardius quidem feminis, maribus ocyus cuius tamen in virisque, vt ad partum triplex intervalum est, sic à conformatione duplex, firmatis partibus, quarum robore viribusque indigeret ad agendum motrix facultas, ab appetitæ distincta, qua iam instructus fœtus, mox rationis lumine illustratur mente calidius infusa.

Ergo proprij cordis in fœtu actio est vt hepatis & cerebri.

PONEBAT NICOLAVS PIETRE PARISINVS, ANNO DOMINI 1596.

DOMINI DOCTORES DISPVATVRI.

M. Ioannes le Moyne.
M. Stephanus du Four.
M. Claudius Boyuin.

M. Philippus Harduin de Iain & Jacques
M. Claudius Fauucler.
M. Ludouicus Dreux.

M. Hugo Preuosteau.
M. Nicolaus Ellain.
M. Nicolaus Millot Dec. & Medicus Regius.

